

古今絕句

五





本朝絕句



荆國文公



七言

書汜水關寺壁

汜水鴻溝楚漢間，跳兵走馬百重山。  
如何咫尺商於地，便有園公綺季閑。

題北山隱居王閑叟壁

荒村日午未開門，雨後餘花滿地存。  
舉世但能旌隱逸，誰人知道是王孫。

和惠思歲二日

荆句下

陸

陸

懶讀書來已數年，從人嘲我腹便便。  
為嫌歸舍兒童聒，故就僧房借榻眠。

二

沙礫藏春未放來，荒庭終日守陳芟。  
遙憐草色羶腰綠，湖寺西南一徑開。

赴召道中

海氣冥冥漲楚氛，汀洲回薄水橫分。  
青松十里鍾山路，祇隔西南一片雲。

江東召歸

昨日君恩誤賜環，歸腸一夜遶鍾山。

雖然眷戀明時祿，羞見琅邪有邴丹。  
平甫如通州寄之

北山搖落水崢嶸，想見揚帆出廣陵。  
平世自無憂國事，求回應不忤陳登。

寄吳顯道

舟約刀頭止歲前，故人專使手書傳。  
出門江口問消息，極目寒沙空渺然。  
和平甫寄道光法師

欲見道人非一朝，杖藜無路到青霄。  
千巖萬壑排風雨，想對銅鑪柏子燒。

三品石

草沒苔侵弃道周，誤恩三品竟何酬。  
國亡今日頑無恥，似爲當年不與謀。

和崔公度家風琴少作

屋山終日信飄飄，似與幽人破寂寥。  
爲有機心須強聒，直教懸解始聲消。

二

簾幙無風起沈寥，誰悲精鐵任飄飄。  
隨商應角知無意，不待歌成韻已消。

三

萬物能鳴爲不平  
世間歌哭兩營營  
君知此物心何欲  
自信天機自有聲

四

風鐵相敲固可鳴  
朔兵行夜響行營  
如何清世容高卧  
翻作幽窓枕上聲

五

南風屋角響蕭蕭  
白日簾垂坐寂寥  
愛此宮商有真意  
與君傾耳盡今朝

六

風來風去豈嘗要  
隨分鏗鏘與寂寥  
不似人間古鐘磬  
從來文飾到今朝

七

繫身高處本無心  
萬竅鳴時有玉音  
欲作鎔錙爲物使  
知君能笑不祥金

八

疏鐵簷間挂作琴  
清風纔到遽成音  
伊人欲問無真意  
向道從來不博金

送陳靖中舍歸武陵

知君欲上武陵溪  
水自東流人自西  
到日桃花應已謝  
想君應不爲花迷

北山

剡木爲舟數丈餘，卧看風月映芙蓉。  
清香一陣渾無暑，時有驚鰲躍出魚。

適意

一燈相伴十餘年，舊事陳言知幾編。  
到了不如無累後，困來顛倒枕書眠。

辱井

結綺臨春草一丘，尚殘宮井戒千秋。  
奢淫自是前王恥，不到龍沈亦可羞。

金沙

荆句一

四

海棠開後數金沙，高架層層吐絳葩。  
咫尺西城無力到，不知誰賞魏家花。

夜聞流水

千丈崩奔落石碕，秋聲散入夜雲悲。  
州橋月下聞流水，不忘鐘山獨宿時。

月

寒光下洗山川瑩，清影遙分草樹纖。  
萬里更無雲物動，中天只有兔隨蟾。

二

江海清明上下兼，碧天遙見一毫纖。

此時只欲浮雲盡窟穴何妨有兔蟾

三

一片清光萬里兼幾回圓極又歲纖  
君看出沒非無意宜爲辛勤養玉蟾

次韻杏花

只愁風雨劫春回怕見枝頭爛漫開  
野鳥不知人意緒啄教零亂點蒼苔

二

心憐紅藥與移栽不惜年年糞壤培  
風雨無時誰會得欲教零亂強催開

三

看時高艷先驚眼折處幽香易滿懷  
野女強簪看亦醜少教憔悴逐荆釵

杏園即事

蟠桃移種杏園初紅抹燕脂嫩臉蘇  
聞道飄零落人世清香得似舊時無

宋城道中

都城花木久知春北路餘寒尚中人  
宿草連雲青未得東風無賴只驚塵

對客

窻壁風回午枕涼。清談相對一胡牀。  
心知帝力同天地，能使人間白日長。

愍儒坑

智力區區不爲身，欲將何計助強秦。  
只應埋沒千秋後，更足詩書發冢人。

遇雪

定知花發是歸期，不柰歸心日日歸。  
風雪豈知行客恨，向人更作落花飛。  
殊勝淵師八十餘，因見問之  
近來如何答云隨緣而已至

示寂作是詩

寄託荒山鬼與鄰，一生黃卷不離身。  
百年薪盡隨緣去，莫學緇郎更誤人。

懷舊

吹破春冰水放光，山花澗草百般香。  
身閑處處堪行樂，何事低徊兩鬢霜。

訪隱者

童子穿雲晚未歸，誰收松下著殘碁。  
先生醉卧落花裏，春去人間揔不知。

海棠花



綠驕隱約眉輕掃紅嫩妖饒臉薄粧  
巧筆寫傳功未盡清才吟詠興何長  
證聖寺杏接梅花未開

紅藥曾遊此地來青青今見數枝梅  
只應尚有嬌春意不肯凌寒取次開

雜詠

勲業無成照水羞黃塵入眼見山愁  
煙中漠漠江南岸更與家人一少留

二

白頭重到太寧宮玉珮瓊琚在眼中

荆句下

七

歌舞可憐人暗換花開花落幾春風

三

朝陽映屋擁書眠夢想鍾山一慨然  
投老安能長忍垢會當歸此濯寒泉

四

烏石岡頭躑躅紅東江柳色漲春風  
物華人意曾相值永日留連草莽中

五

小雨蕭蕭潤水亭花風颭颭破浮萍  
看花聽竹心無事風竹聲中作醉醒

書陳祈兄弟屋壁

千里歸來倦官身欲尋田宅豫求鄰  
能將孝友傳家世鄉邑如君更幾人

郊行

柔桑採盡綠陰稀蘆箔蠶成密繭肥  
聊向村家問風俗如何勤苦尚凶飢

破冢

埋沒殘碑草自春旋風時出地中塵  
墻間夜半分珠玉獨是當時乞祭人

二

殘樽穿來欲幾春蕭蕭長草沒騏驎  
墻間或有樵蘇客未必他年醉飽人

題景德寺試院壁

屋東瓜蔓已扶踈小石藍花破萼初  
從此到寒能幾日風沙還見一年除

金陵報恩大師方丈

簷花映日午風薰時有黃鸝隔竹聞  
香爇一鑪春睡足上方車馬正紛紛

二

蕭蕭出屋千竿玉靄靄當窻一炷雲

心力長年人事外種花移竹尚慇勤

題正覺院籜龍軒

北軒名字經子愛此吾能爲賦詩  
山雨江風一披拂籜龍還自有吟時

二

仙事茫茫不可知籜龍空此見孫枝  
壺中若有閑天地何苦歸來問葛陂  
銅雀古瓦研

吹盡西陵歌舞塵當時屋瓦始稱珍  
甄陶往往成今手尚託聲名動世人

三

荆句下

九

望夫石

雲鬢煙鬢與誰期一立天邊更不歸  
還似九疑山下女千秋長望舜裳衣

山前

山前溪水漲潺潺山後雲埋不見山  
不趁雨來耕水際即穿雲去卧山間

江雨

冥冥江雨濕黃昏天入滄洲漫不分  
北澗欲通南澗水南山止遶北山雲

揚子

儒者陵夷此道窮千秋止有一揚雄  
當時薦口終虛語賦擬相如却未工

二

道真沉溺九流渾獨泝頽波討得源  
歲晚強顏天祿閣祇將竒字與人言

獨卧

誰有耰耒不可操可憐園地滿蓬蒿  
欲尋春物無蹊徑獨卧南牀白日高

二

茅簷午影轉悠悠門閉青苔水亂流

二  
分方

荆句下

十

百轉黃鸝看不見海棠無數出牆頭

孟子

沉魄浮魂不可招遺編一讀想風標  
何妨舉世嫌迂闊故有斯人慰寂寥

商鞅

自古驅民在信誠一言爲重百金輕  
今人未可非商鞅商鞅能令政必行

蘇秦

已分將身死勢權惡名磨滅幾何年  
想君魂魄千秋後却悔初無二頃田

范睢

范睢相秦傾九州一言立斷魏齊頭  
世間禍故不可忽箒中死尸能報讎

張良

漢業存亡俯仰中留侯於此每從容  
固陵始議韓彭地複道方圖雍齒封

曹參

束髮河山百戰功白頭富貴亦成空  
華堂不著新歌舞却要區區一老翁

韓信

貧賤侵陵富貴驕功名無復在芻蕘  
將軍北面師降虜此事人間久寂寥

伯牙

千載朱弦無此悲欲彈孤絕鬼神疑  
故人捨我閉黃壤流水高山心自知

范增

中原秦鹿待新羈力戰紛紛此一時  
有道弔民天即助不知何用牧羊兒

二

鄴人七十漫多竒爲漢毆民了不知

誰合軍中稱亞父直須推讓外黃兒

賈生

一時謀議略施行誰道君王薄賈生  
爵位自高言盡廢古來何啻萬公卿

兩生

兩生才器亦超羣黑白何勞強自分  
好與騎奴同一處此時慎事衛將軍

謝安

謝公才業自超羣誤長清談助世紛  
秦晉區區等亡國可能王衍勝商君

卅上

范蠡五湖收遠迹管寧滄海寄餘生  
可憐卅上風波惡最有仁賢不敢行

讀後漢書

錮黨紛紛果是非當時高士見精微  
可憐竇武陳蕃輩欲與天爭漢鼎歸

讀蜀志

千載紛爭共一毛可憐身卅兩徒勞  
無人語與劉玄德問舍求田意最

讀唐書

志士無時亦少成。中才隨世就功名。  
并汾諸子何爲者。坐與文皇立太平。

讀開成事

姦罔紛紛不爲明。有心天下共無成。  
空令執筆螭頭者。日記君臣口舌爭。  
別和甫赴南徐

都城落日馬蕭蕭。雨壓春風暗柳條。  
天際歸艎那可望。只將心寄海門湖。  
寄茶與和甫

綵絳縫囊海上舟。月團蒼潤紫煙浮。  
集英殿裏春風晚。分到并門想麥秋。  
寄茶與平甫

碧月團團墮九天。封題寄與洛中仙。  
石樓試水宜頻啜。金谷看花莫漫煎。  
戲長安嶺石

附嶽憑崖豈易躋。無心應合與雲齊。  
橫身勢欲填滄海。肯爲行人惜馬蹄。  
代荅

破車傷馬亦天成。所託雖高豈自營。  
四海不無容足地。行人何事此中行。

促織

金屏翠幔與秋宜，得此年年醉不知。  
祇向貧家促機杼，幾家能有一絢絲。

臘享

明星慘澹月參差，萬竅含風各自悲。  
人散廟門燈火盡，却尋殘夢獨多時。

杏花

垂楊一徑紫苔封，人語蕭蕭院落中。  
獨有杏花如喚客，倚牆斜日數枝紅。

城東寺菊

荆句下

十四

黃華漠漠弄秋暉，無數蜜蜂華上飛。  
不忍獨醒孤爾去，慙慙爲折一枝歸。

拒霜花

落盡羣花獨自芳，紅英渾欲拒嚴霜。  
開元天子千秋節，戚里人家承露囊。

燕

處處定知秋後別，年年長向社前逢。  
行藏自欲追時節，豈是人間不見容。

吐綬雞

樊籠寄食老低摧，組麗深藏肯自媒。



天日清明聊吐兒童初見互驚猜

黃鸝

野花吹盡竹娟娟尚有黃鸝寂可憐  
姪姪不知綠底事背人飛過北山前

蝶

翅輕於粉薄於繒長被花牽不自勝  
若信莊周尚非我豈能投死爲韓憑

暮春

無限殘紅著地飛谿頭煙樹翠相圍  
楊花獨得東風意相逐晴空去不歸

辨句下

一五

真州東園

十年歷徧人間事却繞新花認故叢  
南北此身知幾日山川長在淚痕中

過皖口

皖城西去百重山陳迹今埋杳靄間  
白髮行藏空自感春風江水照衰顏  
發粟至石陂寺

驀水穿山近更賒三更燃火飯僧家  
乘田有秩難逃責從事雖勤敢歎嗟

別皖口

浮煙漠漠細沙平，飛雨濺濺嫩水生。  
異日不知來照影，更添華髮幾千莖。

### 別瀟皖二山

鄉壘新恩借舊朱，欲辭瀟皖更躊躇。  
攢峯列岫應譏我，飽食窮年報禮虛。  
舒州被召試不赴

戴盆難與望夫兼，自怪虛名亦自嫌。  
槁壤太牢俱有味，可能蚯蚓獨清廉。  
舟過長蘆

木落草搖洲渚昏，泊船深閉雨中門。

回燈只欲尋歸夢，兒女紛紛強笑言。

### 金山

北檝南檣泊四垂，共憐金碧爛參差。  
孤根萬丈滄波底，除却蛟龍世不知。

### 二

波瀾蕩沃乾坤大，氣象包藏水石閑。  
祇有此中宜曠望，誰令天作海門山。

### 三

天日蒼茫海氣深，一船西去此登臨。  
丹樓碧閣皆時事，只有江山古到今。

泊姚江

山如碧浪翻江去，水似青天照眼明。  
喚取仙人來住此，莫教辛苦上增城。

遊鍾山

兩山松櫟暗朱藤，一水中間勝武陵。  
午梵隔雲知有寺，夕陽歸路不逢僧。  
餘姚龍泉寺石井

山腰石有千年潤，石眼泉無一日乾。  
天下蒼生待霖雨，不知龍向此中蟠。

二

辨句下

十七

人傳湫水未嘗枯，滿底蒼苔亂髮麤。  
四海旱多霖雨少，此中端有卧龍無。

興國樓上作

松篁不動翠相重，日射流塵四散紅。  
地上行人愁暍死，那知高處有清風。

別瀟閣

一溪清瀉百山重，風物能留邴曼容。  
後夜肯思幽興極，月明孤影伴寒松。

杭州望湖樓回馬上作呈玉

汝樂道

水光山氣碧浮浮。落日將歸，又少留。  
從此祇應長入夢，夢中還與故人遊。  
奉和刀景純十四丈

身先諸老幹樞機，再見王門闔左扉。  
但恨東歸相值晚，豈知臨別更心違。

二

幾年相約在林丘，眼見京江更阻遊。  
遺我珠璣何以報，恨無瑤玉與公舟。

二

藏春花木望中迷，水複山長道阻躋。

荆句下

十八

怡悵老年塵世累，無因重到武陵溪。

臨津

臨津豔豔花千樹，夾徑斜斜柳數行。  
却憶金明池上路，紅羣爭看綠衣郎。

汀沙

汀沙雪漫水溶溶，睡鴨殘蘆掩靄中。  
歸去北人多憶此，每家圖畫有屏風。

西山

西山映水碧潭潭，楚老長謠淚滿衫。  
但道使君留不得，那知肯更憶江南。

和文淑

張氏女弟

天梯雲棧蜀山岑，下視嘉陵水萬尋。  
我得一舟江上去，恐君東望亦傷心。

春入

春入園林百草香，池塘冰散水生光。  
身閑是處堪攜手，何事低徊兩鬢霜。

暮春

芙蓉的歷抽新葉，首宿欄干放晚花。  
白下門東春已老，莫嗔揚柳可藏鴉。

烏江亭

荆南下

十九

百戰疲勞壯士哀，中原一敗勢難迴。  
江東子弟今雖在，肯與君王卷土來。

漢武

壯士悲歌出塞頻，中原蕭瑟半無人。  
君王不負長陵約，直欲功成賞漢臣。

諸葛武侯

慟哭何顛爲一言，餘風今日更誰傳。  
區區庸蜀支吳魏，不是虛心豈得賢。

望越亭

亂山千頃翠相圍，袞袞滄江去復歸。

安得病身生羽翼長隨沙鳥自由飛

春日席上

十年流落負歸期臨水登山各有思  
今日樽前千萬恨不堪頻唱鷓鴣辭

句容道中

荒煙寒雨暮山重草木冥冥但有風  
二十四年三往返一生多在百憂中

晏望驛釋舟走信州

病起行山山更險下窮溪谷上通天  
乘高欲作東南望青壁杉杉滿我前

三十三

荆句下

二十

祈澤寺見許堅題詩

藹藹春風入水村森森喬木映朱門  
高人遺蹟空佳句誰識旌陽後世孫

送陳景初

陳善醫

慘澹淮山水墨秋行人不飲柰離愁  
藥囊直入長安市誰識柴車載伯休

巫峽

神女音容詎可求青山回抱楚宮樓  
朝朝暮暮空雲雨不盡襄王萬古愁

徐秀才園亭

茂松脩竹翠紛紛正得山阿與水濱  
笑傲一生雖自樂有司還欲選方聞  
中茅峰石上徐錯篆字題名  
百年風雨草苔昏尚有當年墨法存  
祇恐終隨嶧碑盡西風吹燒滿秋原

欲雪

天上雲驕未肯同晚來雪意已真空  
欲開新酒邀嘉客更待天花落坐中  
上元夜

馬頭乘興尚誰先曲巷橫街一一穿

荆句下

二十一

盡道滿城無國豔不知朱戶鑲嬋娟  
石竹花

春歸幽谷始成叢地面芬敷淺淺紅  
車馬不臨誰見賞可憐亦解度春風  
黃花

四月揚州芍藥多先時爲別苦風波  
還家忽忽驚秋色獨見黃花出短莎  
木芙蓉

水邊無數木芙蓉露染燕脂色未濃  
正似美人初醉著強擡青鏡欲粧慵





